


SAOLOTOGA FAALELOTU

O Se Taiala I Ou Aiā Tatau

AMERIKA SĀMOA





*“E tatau i tagata ona
mafai ona soifua
faatasi i le filemu a o i
ai eseesea. O le soifua
ma le filemu e le o le
faapea e manaomia
ona e lafoaia ou tulaga
ae o lona uiga e tatau
ona e tauivi e soifua
ma le filemu faatasi ma
isi e le tutusa o outou
tulaga faatauaina pe
talía foi aoaoga ia e
faavae ai na tulaga.”*

SAOLOTOGA O LOTU MA TAPUAIGA I AMERIKA SAMOA

1. O le a le aia tatau i le saolotoga o lotu ma tapuaiga?

O le aia tatau i le saolotoga o lotu o le aia tatau leae fai ai, umia, faasao, pe suia lau oe lava ia lotu. E noatia faatasi i lenei aia tatau le aia tatau e tapuai ai. O le aia tatau e tapuai ai e aofia ai le aia tatau e talitonu ai, folafola atu ma faatino, e tagata taitoatasi po o se vaega, o faatinoga o tapuaiga po o sauniga ua e fiafia i ai. E faapena foi, ua saoloto tagata e tuua a latou lotu, ia le folafola atu ni talitonuga faalelotu, ma aloese mai le faatinoina o ni faiga ma ni sauniga faalelotu.


O le aia tatau i le saolotoga o lotu na te puipuia foi tagata mai le aafia i le faailogalanu, faamalosia, po o le sauaina ona o o latou talitonuga faalelotu, faapea ai foi ma le aia tatau e le faamalosia ai e molimau atu i se faiga e solia ai na talitonuga.

2. O le a le aia tatau i le saolotoga o talitonuga?

O le aia tatau autu lea o se tagata e mulimuli ai i ana Mafuaaga patino ma talitonuga maumaututu ma e Le aafia ai fua i ni faatinoga e tetee mai i ana faaiuga Loloto o le sa'o ma le sese.

3. O a ni tulafono o loo puipuia le saolotoga Faalelotu?

Mataupu 1, vaega 1 o le faavae o amerika samoa e faapea: "E ao ina i ai le tuueseese o le lotu ma le malo, ma e leai se tulafono e ao ona faatuina e faaaloaloga ai se faavaeina o se lotu pe faasaina ai le faatinoina o le saolotoga o i ai..." O le Teuteuga Muamua o le Faavae o le Lunaite Setete o loo puipuia ai le saolotoga o tapuaiga i ia tuutuuga talitutusa: "E le faia e le Konekeresi se tulafono e faaaloaloga ai se faavaeina o se lotu, pe faasaina ai le faatinoina o le saolotoga o i ai..."



“O le faatinoina saoloto o le lotu” ua faaliliuina ilona uiga e faapea, ua saoloto tagata uma e faatino la latou tapuaiga e aunoa ma le faalavelaveina e le malo, sei vagana i ni tulaga ua faatapulaaina, e pei o se tulaga talafeagai ina ia puipuia ai aia tatau ma le saogalemu o isi. O le faatinoina saoloto ua aofia faatasi ai ma isi mea le aia tatau e filifili ai se lotu pe leai, e tapuai ai e tusa ma talitonuga o le tagata lava ia, e faapotopoto ai ma isi i nofoaga faitele pe faalilolilo mo faamoemoega faalelotu, e faasoa atu le tapuaiga a se tasi i isi, e sui ai le tapuaiga, e faasalalau ai anomea faalelotu ma ina ia puipuia ai mai le faailogalanu ma sauaga ona o tapuaiga.

O le faasaina o le “faatuina o se lotu” ua tele ni ona faaliliuga lavelave, ae i se tulaga faigofie, o lona uiga, e le mafai ona fai se lotu patino a le setete, e le mafai e le malo ona lagolagoina i mea tautupe ni gaoioiga faalelotu, ma e tatau lava i le malo ona faatumauina lona le faaituau e faatatau i tapuaiga ma ia le sili atu ia i latou se tasi tapuaiga faalelotu i lo le isi. O le “Faatinoga saoloto” ma le “le faatuina” ua la puipuia faatasi ai le tutoatasi po o le “tuma’oti” i le va o tapuaiga ma le setete. Faatasi ai ma isi mea, o lona uiga e le mafai e le malo ona faalavelave i mataupu i totonu o faalapotopotoga faalelotu. O vaega faalelotu e sa’oloto e filifili ia faatulagaga o a latou lava faalapotopotoga, tulaga mana’omia mo sui auai, a’oa’oga, ta’ita’i, faia’oga ma isi mataupu i totonu faalelotoifale.

4. O le a le lotu aloaia a amerika samoa?

E leai se lotu aloaia, ma e le o i ai i le faigamalo a amerika samoa se malosiaga na te faatuina ai pe faatagaina se lotu aloaia. Ae, o le teuteuga muamua o le faavae a le iunaite setete ma le faavae a amerika samoa ua i ai le auivi mo saolotoga malolosi o lotu ma tapuaiga.

5. O le a se mea e mafai ona ou faia pe afai ua solia a'u aia tatau i le saolotoga o loto ma tapuaiga?

O loo puleaina amerika samoa i tulafono ma ua i ai i tagata uma se tiute e tausi le tulafono. O le mea lea, pe a solia aia tatau faalelotu a se tagata, o loo ia i latou auala nei faaletulafono mo le faaleleiga:

- a. O le faamasinoga maualuga a amerika samoa. O le faamasinoga maualuga o le faamasinoga sili ona maualuga lea i amerika samoa. E mafai ona talosaga se tagata i le faamasinoga maualuga mo se faaleleiga pe afai ua solia se tulafono faaleteritori po o se aia tatau faalefaavae. E mafai e le faamasinoga maualuga ona faia se faaiuga mautu mo le puipuiga o le saolotoga o lotu.
- b. Faamasinoga faalemalo a le iunaite setete. I ni tulaga patino, e mafai e tagata amerika samoa ona failaina se moliaga mo le solia o a latou aia tatau faalefaavae po o tulafono faalemalo o loo puipuia ai o latou saolotoga faalelotu i se faamasinoga faalemalo a le iunaite setete.
- c. Faamasinoga maualuga a le iunaite setete. O loo puipuia tagata amerika samoa mai le soliga o a latou aia tatau faalemalo o le iunaite setete ua faamaoniaina e aofia ai i latou o loo puipuia i lalo o le faavae o le iunaite setete. O le soliga o aia tatau o le faavae o le iunaite setete e mafai i ni tulaga mautinoa ona apili i le faamasinoga maualuga a le iunsaite setete.

TAPUAIGA I TOTONU O NOFOAGA FAITELE

6. E mafai ona faailoa atu o'u manatu faalelotu i Nofoaga faitele?

loe. O le aia tatau i saolotoga faalelotu na faavaeina I totonu o le faavae o le iunaite setete ma le faavae O amerika samoa e puipuia ai tagata uma mai le Soliga o a latou faiga faalelotu. Ua i ai i tagata uma Le aia tatau e auai ai taitoatasi pe tuufaatasi o se Vaega, i nofoaga faitele ma i nofoaga faaliloilo, i ni Sauniga, faigalotu po o ni faatinoga o a latou lotu e Fitoitonu ia i latou, pe afai latou te le faalavelave ai i Ni gaoioiga faatulafonoina a isi pe faifaamalosi ai isi E auai e le tusa ai ma o latou loto.

7. E mafai ona ou faasoa atu pe lauga atu o'u Talitonuga i isi?

loe. O le teuteuga muamua o le faavae o le iunaite Setete ma le faavae o amerika samoa ua faamaonia Ai le le aia tatau o tagata uma i le saolotoga o le Faaaliga o manatu i nofoaga faitele ma i nofoaga Faalilolilo e faasoa atu ai ni talitonuga, metotia, Mafaufauga, ma manatu faalelotu i isi. E faapena Foi, e mafai ona o mai faatasi tagata e faatu se Lotu, pe auai i se lotu ua i ai, pe sui foi a latou Mafutaga faalelotu. O lenei aia tatau e noatia i lalo O le fuaiupu faavae lea e le mafai ai e gaoioiga e Faatupeina e le malo e pei o a'oga faalemalo ona Faalauiloaina pe lagolagoina ni faiga faapena. Mo Se faataitaiga, e le mafai e taitai faalemalo ona faalauiloaina se gaoioiga faalelotu e faaoga ai ni Fale ma ni fanua po o ni tupe a le malo. O loo i ai se Tuusaunoaga mo le faailoaga lautele o le faatuatuaga I ni "sauniga" po o i se tauaofiaga i nofoaga faitele, Lea e mafai ona taliaina pe afai latou te le o faia Faamalosi ai isi e faailoa atu lea faatuatuaga lava e tasi.

8. E mafai ona avea a'u ma se totino po o se Faalapotopotoga faalelotu?

loe. I lalo o le tulafono, ua i ai i tagata le aia tatau E fegalegaleai ai ma auai i ni gaoioiga faalelotu o Ni tagata o le nuu, lea e aofia ai, faatasi ma isi aia Tatau: le aia tatau e faatu ai ni nofoaga o tapuaiga Po o faatasiga mo faamoemoega faalelotu, e faatino Saoloto ai a latou lava lotu, e faatu ai a latou lava Pulega faalelotoifale, ma ia i ai ma taitai a latou Lava faalapotopotoga o faatulagaga ma suesuega Faalelotu. E masani lava, e le o manaomia e le Tulafono ia totino po o faalapotopotoga faalelotu e Le o mauaina ni tupe mai le malo, ona latou taliaina Ni tagata i totonu o a latou vaega, ona o le saolotoga O le faate'aeseina ma le le faaaofiaina [o tagata] o se Isi vaega taua lea o le saolotoga o tapuaiga.

9. O a ni pulega faalemalo o faatonutonuina ia totino Faalelotu?

E le o i ai i amerika samoa se sui faalemalo na te Vaavaaia totino ma gaoioiga faalelotu? E ui i lea, O loo faatonutonuina faalapotopotoga faalelotu E le malo o amerika samoa mo mafuaaga lava e Tasi o loo faatonutonu ai tagata—ina ia tausisia Amioga lelei, amioga e tatau ai, ma le tulafono. E Faatonutonu e le malo o amerika samoa ia totino Faalelotu i auala nei:

- a. E noatia fale o ekalesia i lalo o le umiaina o Eleele, faaaogaina o eleele, ma tulafono o sone.
- b. O polokalama a ekalesia e noatia i lalo o Tulafono a le nuu ma poloaiga faalepulega la e ono faia ai ni sa po o vavao ma isi tapu I feoaiga ma faatasiga i ni taimi patino ma Nofoaga.
- c. O faalapotopotoga faale-ekalesia e noatia i le Tetee atu i faiga taufaasese, o tulafono o mea E le faalauaitelaina, ma puipuiga o meatotino Faaleatamai, ma e le sao mai faasalaga Faalemalo pe faalesolitulafono mo a latou Amioga.

Ona o lenei faatulagaga faaletulafono, ua mafai ai e Totino faalelotu ona olioli i nei faamanuiaga:

- a. O le faamamaluga aloa'ia o le malo o amerika Samoa.
- b. O le tuusaunoaga i lafoga ua faatagaina e Le pulega o tupemaua a amerika samoa i Gaoioiga faalelotu, fesoasoani alofa, ma/po o Gaoioiga faaleaoaoga e le faapisinisi.
- c. Tuusaunoaga mai tulaga manaomia mo Laisene o pisinisi.
- d. Olioli i le tulaga manuia faifai pea i le tomai E molia [se isi] ma moliaina ai [latou lava] i lo Latou lava igoa.
- e. O se tuusaunoaga faaletulafono i tulaga Manaomia o le umiaina o fanua faalenuu ina la mafai ai e faalapotopotoga faalelotu ona Umiaina fanua faalenuu ua faamatuu atu mo Faamoemoega faalelotu.

SAOLOTOGA FAALELOTU I TOTONU O FALEFAIGALUEGA

10. O le a se aafiaga o le saolotoga o lotu e i ai i le Sootaga i le va o se pule ma se tagata faigaluega?

O tulafono o loo puleaina ai le sootaga faalegaluega I le va o le pule ma le tagata faigaluega e le o maua Ai nisi puipuiga faaopoopo mo talitonuga faalelotu O tagata faigaluega. Ae ui i lea, e faasa e le faavae O le iunaite setete ma amerika samoa le faailoga Tagata e fua i le lotu, o lea e le tatau ai i le pule ona Tuuina atu ni matafaioi faalelotu i luga o ana tagata Faigaluega. Pe faamalosi fo'i e se pule se tagata Faigaluega e amio i se ala e feteenai ma talitonuga Faalelotu o le tagata faigaluega. O le lotu a se tagata Faigaluega e le tatau ona aafia ai fua lona totogi po O isi penefiti. E le tatau ona tafiese se tofiga o se Tagata faigaluega ona o ona Talitonuga faalelotu.

11. O le a le sootaga i le va o le saolotoga faalelotu Ma itula faigaluega?

O aso malolo faalelotu i amerika samoa e aofia Ai le aso maliu ma le kerisimasi. E agavaa tagata Faigaluega a le malo i livi faaletausaga e faaopoopo Atu i aso malolo mo tagata lautele. O le agavaa o Tagata faigaluega o pisinisi tumaoti i livi faaletausaga E faatonuina e aiaiga o le konekarate a le tagata Faigaluega. E tatau i tagata faigaluega ona talanoaina ni tulaga ia e ono aafia ai le sauniga faalelotu ma po o tatalo ma o latou pule, ma e tatau i pule ona galulue ia taulimaina talitonuga faalelotu o tagata faigaluega ma le faailoaga o o latou talitonuga.

12. E mafai ona ou ofuina laei faalelotu i le galuega Pe musu foi e ofu se vaega o se toniga ona o o'u Talitonuga faalelotu?

E ui o nei faatinoga e le o puipuia patino e le Tulafono, ae o loo i ai aia tatau faalefaavae i le Saolotoga o tapuaiga o loo faasaina ai le faailogalanu Ona o lotu. E tatau i tagata faigaluega ona logoina o Latou pule i se taimi talafeagai i soo se manaoga po o Ni tulaga faapitoa e tulai mai ona o talitonuga po o Faiga faalelotu. O lenei mea e mafai ai e le pule ona Nofouta i ia tulaga ma faamamalu atili ai le saolotoga Faalelotu o tagata faigaluega.

SAOLOTOGA FAALELOTU I TOTONU O A'OGA

13. E mafai ona faia ni vasega faalelotu i totonu o A'oga a le malo?

O a'oga a le malo e faafoeina e le faigamalo. O Le mea lea, e tatau ona latou usitaia le teuteuga Muamua ma ia le faamaoniaina soo se talitonuga Patino faalelotu po o se faiga i totonu o a latou Mataupu aoaoina. Peitai, e mafai ona faaaofia i Mataupu aoaoina a aoga a le malo, ni mataupu Ma aoaoga e uiga i le faatosinaga o lotu i le Talafaasolopito, tusitusiga, ma filosofia.

14. Pe faamalosia tamaiti aoga ona auai i aoaoga Faalelotu po o sauniga faalelotu i totonu o a Latou aoga?

I a’oga a le malo, e tatau ona saoloto tamaiti a’oga, Faiaoga, ma taitai o le a’oga e faailoa o latou lava Talitonuga faalelotu, pe a le tuu ai e na faailoaga o Talitonuga i luga o isi se tuutuuga o lo latou auai i Gaoioiga a le a’oga. E le mafai e a’oga a le malo ona Faalauiloaina pe faamaoniai ni talitonuga patino Po o ni faiga faalelotu i totonu o a latou mataupu Aoaoina. [Ina ia iloa] pe ua solia e talanoaga po o Aoaoga o lotu le teuteuga muamua pe leai, o le a Faalagolago lea i le mafuaaga moni pe na uunaia pe Leai e talanoaga po o aoaoga ia faia se tatalo po o se sauniga faalelotu. O tatalo, faitauga o tusitusiga paia, ma faigalotu i mea faaleotele leo ua manatu i ai le faamasinoga maualuga a le iunaite setete ua soli le teuteuga muamua ona ua latou faalauiloaina Lotu. E moni lenei mea e tusa lava pe o le tatalo “e le Patino i se lotu” (e le o faapitoa i se lotu.)

Talu ai o a’oga tumaoti ma a’oga a ekalesia e le Faafoeina e le malo, e le faatatau la i ai le teuteuga Muamua ia i latou ma e saoloto lav ai latou e Faalauiloa o latou talitonuga ma faiga i totonu o a Latou mataupu aoaoina, e aofia ai le faaaloaloga/ Sauniga faalelotu.

15. E mafai ona taofia tamaiti a’oga mai le auai i le A’oga po o gaoioiga ua faatulagaina a le a’oga ona O o latou talitonuga faalelotu?

E tatau i tamaiti a’oga ona auai i le a’oga e oo atu I le vasega 12, lea e masani ona aofia ai le a’oga Faataitai, ono tausaga o le a’oga amata (vasega 1-6) Ma le ono tausaga o le a’oga tulagalua (vasega 7-12). Soo se taimi lava e le a’oga ai e tatau ona Faamaoniaina e ala i se tusi mai se matua po o se Tagata o loo vaaia le tamaitiiti, ma o le le auai Faalausosoo e tatau ona tapulaa ina ia le pa’u tele i Tua tamaiti a’oga mai a latou meaa’oga. E mafai ona Faanoi tamaiti a’oga mai nisi o gaoioiga a le a’oga Pe afai ua feteenai ma o latou talitonuga faalelotu. E tatau i matua po o i latou e aafia ona talanoa Ma taitai o le a’oga mai le amataga e talanoaina Mafuaaga faalelotu mo le le auai ai i gaoioiga po O aiaiga faavae. E tatau i a’oga ona faaaloalogaiaina Tamaiti a’oga e le auai i gaoioiga mo ni mafuaaga Faalelotu, ona o o latou talitonuga faalelotu.

16. E mafai e tamaiti a’oga ona sui toniga o le a’oga ona O o latou talitonuga faalelotu?

loe, i nisi tulaga. O le teuteuga muamua ua Faatagaina ai aiaiga faavae mo le faamalosia o toniga Po o tulafono o laei i a’oga a le malo. Peitai, ua Faatagaina foi i se taulaga lautele ni tuusaunoaga Mai na aiaiga faavae po o tulafono mo tamaiti a’oga la laei lavalava faalelotu, ufiufi o le ulu, faatusa, Po o isi ofu. E tatau i matua po o e e vaaia tamaiti A’oga ona fesootai ma taitai o a’oga mai le amataga E talanoaina soo se mafuaaga faalelotu po o ni Atugaluga e faatatau i se toniga a le a’oga ma ni Aiaiga faavae o foliga vaaia faaletagata lava ia.

TAUTUA FAAMILITELI MA FAALEMALO

17. Pe o faamalosia se tautua faamiliteli pe Faalemalu, ma afai o lea, pe o i ai la ni tuusaunoaga Faalelotu?

Leai, e le o faamalosia se tautua faamiliteli ma/pe Faalemalu i Amerika Samoa. Peitai, o alii e sefuluvalu Tausaga le matutua e tataua ona resitala mo le Militeli ma e noatia i le faaulufaleina. I le tulaga o le faaulufaleina, o se tagata ua lesitalaina e mafai ona tetee i le tautua faamiliteli o se tagata tetee ma le lotofuatiaifo, e aofia ai i luga o faavae faalelotu. Pe afai e faalavelave le faaulufaleina i le faatinoga Saoloto o le lotu a le tagata e ala i le faamalosia o l latou e faatino e tetee i o latou lotofuatiaifo. O Tagatanuu uma, ua sefuluvalu tausaga ma matutua Atua ua maea le a’oga tulagalua ua mauaina le avanoa E resitala ai i soo se lala o tautua faaaupegaina a le lunaite setete. E leai ni tulaga manaomia faalelotu Mo lenei tautua.

LOTU MA LE FAAMASINOAGA

18. E mafai ona ou le faia se tautoga i ni taualumaga Faaletulafono ona o o’u talitonuga faalelotu?

Ioe. Pe a e tulai i luma o le faamasinoga o se Molimau, e te agavaa i lalo o le tulafono e alo E se mai le faia o le tautoga ae mafai ona e faia se Faamautinoaga faigofie e ta’u atu le mea moni. Peitai, e le mafai ona tuusaunoa oe mai le molimau Atua i luga o le faavae o talitonuga faalelotu.

19. Pe mafai e faamasino ona faia ni faai'uga e fua i o Latou talitonuga faalelotu?

Leai. O le pule faai'u ua i ai i le faamasinoga e Faatinoina e fai ma sui o tagata o amerika samoa e Tuu atu ai le faamasinoga tonu i ituaiga uma o alii Ma tamaitai e aunoa ma le fefe po o le faaitu'au po O le loto eleelea. O tiute uma faalefaamasinoga e Tatau ona faamae'aina e aunoa ma le faaitu'au pe Faailogalanu e fua i le lanu, itupa, lotu, po o soo se Isi mafuaaga.

20. O i ai se puipuiga mo faamatalaga e faia ma le lē Faalaua'iteleina i taitai faalelotu?

loe. I lalo o le tulafono masani "avanoa faapitoa A faifeau," lea e aloa'ia e amerika samoa, e le Mafai ai e isi vaega, e aofia ai ma faamasinoga, Ona faamalosia taitai faalelotu po o faufautua E faailoa atu ni talanoaga e faia e tagata lotu I le taitai faalelotu po o le faufautua e faia ma Le mautinoa pe afai o le talanoaga na faia e le Tagata lotu i se faamoemoega talafeagai o le lē Faalaua'iteleina. Peitai, atonu e le maua lea avanoa Pe a faia ni faamatalaga e le faalauaiteleina e le Mo le faamoemoega o le sailia o se salamo po o Se fautuaga, ae mo se isi faamoemoega. Ua i ai i Taitai faalelotu se tiute i lana faitalia e lipoti atu ni Tautinoga o le sauaina po o le lafoaia o tamaiti ma E sao mai le faasalaga pe afai sa faatautaia le lipoti i Le faatuatuaga lelei. O faamatalaga a se tagata lotu E i ai se faamoemoega e soli ni tulafono e le mafai Foi ona manatu i ai o se avanoa faapitoa pe afai sa Le'i manino na sailia e le tagata lotu se fautuaga Faaleagaga.



MAUAINA O TULAGA TUTUSA

I le avea ai ma tagata soifua, ua ia i tatou le Saolotoga e filifili ai, faasoa, ma soifua i mea ua tatou Talitonu i ai. Ua masani lava ona tatou taofimau Ma le faapelepele i o tatou saolotoga ma talitonuga Faaletapuaiga, e fai ma mataupu faavae taiala i o Tatou olaga. E pei lava ona tatou faatauaina a tatou Lava tapuaiga ma talitonuga, e tatau foi ona tatou Matua faatauaina aia tatau o tagata uma i talitonuga Ma le saolotoga faaletapuaiga. O le iloaina o le Taua o nei saolotoga, e mafai la faapefea ona tatou Faasoa atu mataupu faavae o le saolotoga o tapuaiga I totonu o o tatou nuu ma alalafaga? O i ai ea se Ala e maua ai le tulaga tutusa ma laugatasia pe a Tatou fegalegaleai faatasi ma tagata e ese foi o latou Talitonuga?

O auala nei e mafai ona faatagaina ai oe e maua se Tulaga tutusa i lou nuu po o le alalafaga:

IA E ILOA

Ae e te le'i mafai ona puipuia ni talitonuga faalelotu O oe lava ia po o isi, e taua le iloa ma malamalama i Aiā tatau ma mataupu faavae autu o le saolotoga o Tapuaiga.

O lenei pepa faalauiloa o loo i ai nisi o faamatalaga Fitoitonu e faatatau i au aiā tatau ma mea faavae o le Saolotoga o tapuaiga.

Saili ia nofouta ma silafia ni suiga i le saolotoga o Tapuaiga e ala i le maimoa i talafou mo ni mea o tulai Mai e ono aafia ai nei saolotoga.

FAAFOFOGA ATU I ITU UMA

Faafofoga ma faaali atu popolega mo tapuaiga ma Talitonuga faamaoni o isi tagata. E tusa lava pe e te Le ioe i ni talitonuga po o ni talitonuga maumaututu O se isi, taulai atu i le sailia o le malamalamaaga Ma ia faaaloalo i ona manatu ma lagona. O upu, Talitonuga ma amioga a tagata e faatosinaina e le tele O vaega. E tatau ona e nofouta i lagona o isi a o e Faamalamalama atu ma tulituliloaina ou tulaga, ma E tatau foi ona e talosagaina isi ina ia le aafiagofie O latou lagona i ni ou talitonuga faamaoni tau Tapuaiga.

FAATINO/FAAALI AMIOGA TAUAGAFU, FAAALOALO

Ina ia mafai ona ola ma soifua o se nuu faatasi ma Ni eseeseaga o manatu ma talitonuga, e taua tele le lloaina pe faapefea ona felafolafoai manatu ae le na'o Mea e felafolafoai ai. O a outou felafolafoaiga i autu Feteenai e le tatau ona fefinauai ai. E tatau i tagata Uma ona taulimaina e le tasi le isi i le migao ma le Faaaloalo a o tauivi ai ina ia sa'olele ma talafeagai. Afai e le manumalo ou tulaga, e tatau ona e taliaina Ni taunuuga e te le fiafia i ai ma le faaaloalo ma Le migao. Ia manatua e tetee atu i sauaga o soo Se ituaiga e aofia ai sauaga ona o ituaiga tagata, Se vaega o tagata, talitonuga faalelotu po o le le Talitonu, ma le eseeseaga i faasinomaga o itupa.

FAALAUILOA/SIITIA LE ONOSAI, TALIAINA

E tatau i tagata ona mafai ona soifua faatasi i le Filemu a o i ai eseeseaga. O le soifua ma le filemu e le O le faapea e manaomia ona e lafoaia ou tulaga ae o Lona uiga e tatau ona e tauivi e soifua ma le filemu Faatasi ma isi e le tutusa o outou tulaga faatauaina Pe talia foi aoaoga ia e faavae ai na tulaga. Tauivi e Aoa o atu tulaga faatauaina ma tulaga faatonuina o Amioga ia i latou o loo siomiaina oe e aunoa ma lo Latou faataumamaaina o i latou pe faaalua foi le le Faaaloalo i soo se tasi e ese ai.

FAUSIA NI MAFUTAGA FAATUATUAINA

Fausia ni mafutaga faatuatuaina i le tou nuu faatasi Ma tagata e eseese ni manatu. O le a lelei atili ona e Gafatiaina le sailia o ni auala e puipuia ai aia tatau O isi i se ala e manuia ai tagata uma a o e iloaina Ma masani i le toatele o tagata ma pe a oo ina Malamalama foi na tagata i talitonuga o le tasi ma le Isi. Gauai atu i mea e laugatasia pe tutusa ai oe ma Ou tuaoi ma uso-a-tagatanuu. Ma a o outou galulue Faatasi ai, ia tautala atu mo tapuaiga ma le taua o le Saolotoga faaletapuaiga.

SAOLOTOGA FAALETAPUAIGA I LE TULAFONO FAAVAOMALO

E faaopoopo atu i le puipuiga o le saolotoga Faaletapuaiga i atunuu taitasi, o loo i ai foi isi Vaega eseese faavaomalo po o pepa o faamatalaga Faaletulafono o loo puipuia ai lenei aia tatau. I le 1948, Ole aia tatau i le saolotoga o tapuaiga ma le Lotofuatiiaifo sa faalauiloa ma folasia e le tautinoga Aoaotetele o aia tatau a le tagata soifua. Talu Mai lena taimi, ua tele lava feagaiga ma tauaofiaga Eseese ua faavaeina ma atiae ai lenei aia tatau i le Tulaga faavaomalo.

O a ni puipuiga ou te mauaina i lalo o le tulafono Faavaomalo?

O vaega faavaomalo ua faamautu mai o tagata uma E tutusa i luma o le tulafono, e tusa lava po o le a le Latou tapuaiga. Ua ta'ua foi e nei tulafono e leai se Tasi e mafai ona faailogalanu i ai e fua i lana tapuaiga Aua o se solitulafono lea i le malualii faaletagata Soifua ma e ta'usalaina i le solia o aiā tatau a le Tagata soifua ma saolotoga autu.

O a saolotoga o loo aofia ai i nei vaega Faavaomalo?

- **Saolotoga o mafauauga, lotofuatiaifo, ma Tapuaiga.**

O lenei saolotoga o loo aofia ai le saolotoga O mafauauga i mataupu uma, saolotoga e Taofimau ai talitonuga, saolotoga o le tautinoga I tapuaiga po o talitonuga, ma le saolotoga o Talitonuga maumaututu faaletagata lava ia. Na Te le faatagaina soo se tapulaa i saolotoga ia i ai Pe talia se tapuaiga po o se talitonuga ua filifilia E se tasi. E leai se tasi e mafai ona faamalosia E faaali ona manatu pe auai/usitai i se lotu/ Tapuaiga po o se talitonuga.

- **Saolotoga e sui le tapuaiga/lotu po o ni Talitonuga.**

Ua i ai i tagata uma le aia tatau e tuua ai a latou Lava tapuaiga po o talitonuga ae talia se isi lotu Pe tumau e aunoa ma soo se talitonuga lava. O Le faaaogaina o le pule malosia, faasalaga, aiaiga, Po o faiga e faamalosia ai se tagata e talia, sui, Pe faatumauina se lotu patino po o se talitonuga E faasaina.

- **O le saolotoga e faailoa atu ma folafola atu lau Oe lava ia lotu po o talitonuga, taitoatasi ma Fai faavaega, i nofoaga faitele pe faalilolilo.**

E olioli tagata uma i le aiā tatau e faailoa atu ai Ma le filemu ma faasoa atu le lotu po o talitonuga A le tagata lava ia i isi, e aunoa ma le noatia i le Faatagaga a le malo /setete po o se isi lava nuu Faalelotu. O lenei aia tatau e le o faatapulaaina i Tagata auai o ni nuu faalelotu ua lesitalaina. Ma Le isi, e le tatau foi ona faamalosia le lesitalaina o Nuu faalelotu po o ni faalapopotoga ina ia olioli Ai i o latou aia tatau.

- **O le saolotoga e faailoa atu ai lau lotu e ala i Aoaoga, faiga masani, tapuaiga ma le tausisi I ai.**
- **O le saolotoga e faailoa atu ai le lotu po o Talitonuga i tapuaiga, tausisi i ai, faiga masani Ma aoaoga e aofia ai se vaega aoao tetele o Faatinoga ma galuega:**
 - O le tapuai ma tausisia e aofia ai faatinoga O sauniga ma tu e avatu ai faailoaga tuusao I talitonuga, faapea ai foi ma faiga masani Eeseese e taua i na faatinoga e aofia ai le Fausiaina o nofoaga tapuai, o le faaaogaina O faiga o sauniga ma mea faitino, o le Faaaliga o faatusa, ma le tausiga o aso fiafia Ma aso e malolo ai.
 - O le faiga masani ma aoaoga a le lotu po o Talitonuga ua aofia ai faatinoga e taua ma Fesootai i le amio a vaega faalelotu o a latou Mataupu autu, e pei o le saolotoga e filifili Ai o latou taitai faalelotu, ositaulaga ma Aoa; le saolotoga e faatu ai seminare po o Aoga faalelotu, ma le saolotoga e saunia ai Ma tufatufa ai tusiga faalelotu po o lomiga.
 - O le saolotoga o matua ma e vaaia fanau ina ia Maua e a latou fanau po o tamaiti le a’otauina Faalelotu po o aoaoga o amioga ia e tusa ai ma O latou lava talitonuga maumaututu.

la olioli tamaiti i le aia tatau e maua ai le A’otauina faalelotu e tusa ma manaoga, lotu, po O talitonuga maumaututu a o latou matua po O e e vaaia i latou. E faapena foi, e le tatau ona Faamalosi tamaiti e talia ni aoaoga faalelotu la e feteenai ma manaoga o o latou matua po o E e vaaia i latou. E tusa ai ma mataupu faavae O le mea e silisili mo le tamaitiiti, e tatau i le Setete/ malo ona uunaia se siosiomaga e taliaina Ai tapuaiga i totonu o a’oga ma faalauiloa ma Sitia ai le faaaloalo mo le lautele o tagata ma le Eeseesega o tapuaiga.



O i ai ea ni tapulaa i nei saolotoga?

loe. O loo i ai nisi o tapulaa ua tuuina mai e le Tulafono ma o lo latou faamoemoega o le puipuia lea O le saogalemu o tagata lautele, faatulagaga tonu, Soifua maloloina, amioga tatau, ma aia tatau autu Ma saolotoga o isi. Peitai, e le mafai ona faaaogaina Tapulaa mo ni faamoemoega faailogalanu pe faaaoga I se faiga faailogalanu.



International Society



RELIGIOUS FREEDOM & BUSINESS FOUNDATION

FAITH & BUSINESS BUILD A BETTER WORLD